

Chairlie liked a challenge.

Schadenfreude: when the perennially successful hit a brick wall.

Chairlie liked a challenge;
Ye only had tae ask,
For Chairlie never dootit
He'd be equal tae the task.

Chairlie liked a challenge;
When ithers were defeated,
Juist gie the job tae Chairlie
An it suin wuid be completed.

Chairlie liked a challenge;
He had the magic touch,
An dauntered through life's ups an doons
Withoot support or crutch.

Then Chairlie chased Liz Lawrie,
But Chairlie didnae get her;
For Chairlie liked a challenge,
But Billy did it better!

Chairlie wis dumbfoonert,
Ye should hae seen him crawlin!
But Chairlie lost the challenge;
How are the mighty fallen!